

КӨРТТУЙ *

Комилөн олөмыс вежсьö, -
Мөдöма вежсьыны збыль!
Важыс да сьöкыдыс вешйö,
Матысмö долыджык, виль.

Тöрытöдз, ыліджык вөрöд
Мунлывліс сöмын на лызь...
Талунсянь пармаяс шөрöд
Писькөдчö көрттуйлөн визь.

Öніöдз пыр на ми олім
Ас кежын, ді вылын моз...
Важөн нин, важөн нин колі
Йöзыскөд йитчыны пос!

Көрттуыйд миянöс йитас
Муывивса йöзыскөд тшöтш;
Матысмас Сибыр и Чита,
Бырасны чукыль да көж.

Миянлы ваяс культура,
Оз нин ков виччысьны дыр;
Коми му овмөдчас бура -
Озырлун гөгөрбок тыр.

Му пытшкын быдсяма руда,
Лыдтöм на сулалö вөр...
Водзиас олөмыс шуда,
Сöмын тэ зільджыка вөр.

Партия уджалö: олөм
Кыпöдны лөсьöдіс план.
Уджалысь войтырлөн колö
Бурджыка отсасьны тан.

Петöй тшöтш ордйысьöм вылö!
Ньöбалöй коймöд заём!
Овмöстö кыпöдны, кылад,
Босьтчылöй, пöрысь и том!

Во-мöдөн кöрттуйыд сувтас, -
Котöртас выль паравоз...
Туй дорын шензьыны кутас
Пармаса пашкыра коз.

Комилөн олöмыс вежсьö,-
Мöдöма вежсьыны збыль.
Важыс да сьöкыдыс вешйö,
Матысмö долыджык, выль.

* Медводдзаысь печатайтöма 1929 воын.

Ордым. -1929. - 8-9. - С. 17.